

[1]

Copie

Albert ende Isabel Clara Eugenia infante van Spaigniën by der gratie Godts aertshertoghen van Oostenryck hertoghen van Bourgongniën van Lotryck van Brabant van Lembourg van Luxemborch ende van Gelre etc. den eersten onsen deurwaerder of sergeant van waepenen hierop versocht saluyt. Wij hebben ontfaen d'ootmoedighe supplicatie van Matheus van den Driessche, woenende tot Middelborch in Seelandt, inhoudende dat hy in den jaere XV^C- eenentachtich ten huwelick geallieert synde binnen de prochie van Lokeren met woynen Josyne van Lippevelde, tevoren weduwe Joos Bayens, soude deselve Josyne in den jaeren dryentachtich comen syn te sterfven waernaer den thoender mette selve Josyne vier kinderen haere hoors heeft ghemaect veldeel van de goedinghen volghens den staet ende inventaris alsdoen daeraff ghemaect ende also de thoender corts daernaer deur den overlast van de soldaten genootsaect soude geweest syn van daer te vertrecken naer Seelandt, daer hy zedert altyd continueelycken soude hebben gewoont, zoude middellertyt des thoenders goeden in den Lande van Wees gaengesleghen syn ende geadministreert geweest syn by de kinderen ende hoors van de voorgaende Josyne van den tyt van ontrent vyffentwintich jaeren ombegrepen, daeraff sy gehouden souden syn den thoender te doen rekeninghe, bewys ende reliqua, omme 'twelck t'ontgaeren hebben die voorschreven hoors op den tweeden dach octobris lestleden met hem thoender ghemaect ende aengegaen binnen onser stede van Andtwerpen seker contract van accorde daerby

[2]

de thoender syn recht van byleninghe ende 'tgene van
voorschreven hoors hem schuldich ende ten achtere waeren soude
ghequiteert ende affgegaen syn mits reciprocuelick daerna
treckende ende laetende by de voorschreven hoors hem thoender [?]
seker renten te wetene vier ponden grooten op 't [?]
van de weduwe ende erffgenamen Hans Coppejan [binnen] [?]
Nicolaes noch eene rente van sestien schellinghen tsjaers tot [?]
van Matheus Callu binnen Lokeren noch een rente van
vyfthien schellinghen grooten tsjaers tot laste van Jan Olyviers
met noch vyff ponden grooten eens ende de schulden van synen
craem naer breeder uuytwysen van den voorschreven contracte [?]
nu soo dat die voorschreven drie partyen van renten hem thoender te[n]
deele gevallen syn geweest by 't voorschreven voordeele [soe....]
alsoo die voorschreven hoors hem te betalen met syn eyghen hoors
daer een d'hoors van syn huysvrouwe egeen aen rent ter werelt
souden gehad hebben waerdeur die thoender hem [?]
-tie der enormelick geledeert verre over de helft [?]
juste waerde jae over de drye vierendeelen tot
synde groote schade ende achterdeele, is hem keerende tot [?]
seer ootmoedelick biddende om onse opene brieven ende
remedie van justicie hiertoe dienende, waeromme [?]
eyst dat wy de saecken voorschreven overghemerct u ontbieden ende
bevelen daertoe, committerende mitsdesen dat ghy ten versouke van
voorschreven suppliant doet scherp bevel van onsenweghen op sekere
grootte peynen jehens ons, te verbeuren den voorgenoemden
hoors namentlick Jan en Daniel Bayens mitsgaders
Jan Janssens daermede hy heeft ghecontracteert dat sy hem
deportereren ende verdraghen van den voorschreven contracte als [les...]

[3]

de helft van den helft, laetende den thoender volghen
'tgene hem es competerende ende hem doende
rekeninghe, bewys ende reliqua van 'tgene sy vanweghen
des thoenders sedert syn vertreck van Lokeren ontfanghen
geproffiteert ende andersins deuchdelick schuldich syn ende
ingevalle van oppositie, weygeringhe oft vertreck dachveert
hemlieden te commen ende compareren t'eenen sekeren ende
competenten daeghe voor onse seer lieve ende getrouwe
president ende luyden van onsen grooten Raede omme aldaer
te segghen die redenen van heurlieder oppositie, weygeringhe
oft vertreck, procederen ende sien ordonneren soo naer recht
behooren sal, overscryvende ten voorschreven daeghe die van
onsen voorschreven grooten Rade wes ghy in desen ghedaen sult hebben,
denwelcken wy bevelen ende committeren mitsdesen dat sy den
partyen die gehoort synde doen goet cort recht ende
expeditie van justicie ende op sulck versouck als die
voorschreven suppliant ten voorschreven daeghe dienende voor
hemlieden
sal willen doen, omme gereleveert te worden van den voorschreven
abusiven contracte met al dies daernaer ghevolcht is,
voorsien hem partye van sulcken remedie van justicie ende
oock van gratie ees 't noot als sy naer recht vinden sullen
te behooren ende want eenighe van deghene die behooren
tot desen fyne ghedaecht te syne hemlieden syn houdende
buyten den resorte ende jurisdictie van onsen voorschreven grooten
Raede, willen daeromme dat d'exploiten die in desen by
u sullen worden ghedaen aen persoonen van heurlieder
procureurs, facteurs oft bewinders van heurlieder saecken
ende affairen indien ghy eenighe vindt onder den voorschreven

[4]

resorte, indien niet by openbare uuytroepinghe in eenighe van onse goede steden wesende van denselven resorte naest de plecke van heurlieder residentie, hechtende aen de hooftkerck deure aldaer copie van dese onse opene brieven mitsgaders van synen explooite ende heurlieden 'tselve insinneer ende by gelycke copie ende syne missive, teneynde sy daervan geene [?] en pretenderen van sulcke weerde ende effect syn sullen a[1]sof se gedaen waren aen hemlieders persoonen ende oversulck hebben wy se gheautoriseert ende authoriserende uuyt sonderlinghe gratie by desen want ons alsoo gelieft. Ghegeven in onse stadt van Mechelen den thienden october in 't jaer seshienhondertendeneghen, stont by de eertshertoghen ter relatie van den Rade, onderteeckent Cornelis ende gheseghelt met eenen grooten seghel in rooden wasse onder uuythanghende.

Memorie omme u Jan Jansens

Dat ic onderscreven deurwaerdere uuyt crachte van commissie, daervan de copie hiervooren is ghescreven, vercreghen by Matheeus van den Driessche u op vrijdach wesende den XXI^{en} october laestleden by openbare uuytroepinghe op het Vlaems Hooff hebbe ghedachvaert voor Hooghe ende Moghende heeren myne heeren die president ende heeren van den grooten Rade tot Mechelen teghens vrydach wesende den XX^{en} novembris eerstcommende, omme aldaer te segghen de redenen van uwe oppositie etc. en u voorts bevelende vanweghen haerlieders Hoocheden op een penne van vyff-entwintich gouden realen tot proffyte van haerlieders Hoocheden dat ghy u deportteert ende verdraecht van den contracte als lesieff over de helft, latende den suppliant volghen 'tghene hem es competerende ende hem doende rekeninghe, bewys ende reliqua van 'tghene ghy met uwe resorten vanweghen

des thoonders sedert syn vertreck van Lokeren ontfanghen ende andersins deuchdelick schuldich sy te alle breeder in de commissie [.....ert].

Oorconden

J. de Clercq

[5]

Monsieur Ketghem, u recomandere uwer laesden my dese copie met myn ghebesoigneerde te willen insinueren aen Jan Jansens, woenende by het moeyengaet naest de poorte, ende my te willen senden uwer liefden relaes metten eersten opdat u de commissie mach senden in tyts naer Mechelen ende sende uwer liefden soo voor dese insinuatie als de voorgaende vier schellinghen grooten. My hiermede dienstelyck inwaerts recomanderende met haesten X^{en} november 1609.

Die all uwer liefden dienaer

J. de Clercq